



Број: 14-05/5-48- 5080/10
Датум: 22.04.2010. године

IZVJEŠTAJ ZA MEDIJE

Dana 20.04.2010.godine u prostorijama Policije Brčko distrikta BiH održan je radni sastanak između predstavnika Međunarodnog programa pomoći u kriminalističkoj obuci (ICITAP-a) pri Ministarstvu pravosuđa SAD-a, Zamjenika supervizora za Brčko distrikt BiH, predstavnika Poreske uprave Brčko distrikta BiH i predstavnika Policije Brčko distrikta BiH.

Na sastanku je razgovarano o formiranju Operativnih timova na nivou Bosne i Hercegovine, a sve u cilju istraživanja složenijih tzv. «integrisanih» finansijskih istraga i borbe protiv organizovanog kriminaliteta u BiH.

Kako je predviđeno, jedan od timova bi imao sjedište na području Brčko distrikta BiH a sačinjavali bi ga predstavnici Poreske uprave, Policije Brčko distrikta i Državne agencije za istrage i zaštitu (SIPA-e).

U svrhu uspostavljanja navedenih operativnih timova i unapređenja materijalno tehničkih kapaciteta za sprovođenje istraga finansijskog kriminaliteta, predstavnici ICITAP-a su Policiji Brčko distrikta BiH i Poreskoj upravi Brčko distrikta BiH donirali po jedan set kompjuterske opreme koja će biti korištena u radu ovih timova.

Potrebno je napomenuti da međusobna saradnja između ICITAP-a i Policije Brčko distrikta BiH traje duži niz godina, koja se ogleda u stručnom osposobljavanju policijskih službenika Policije Brčko distrikta BiH i doniranju značajnih materijalno tehničkih sredstava.

Prilog: Fotografije sa održanog radnog sastanka.



Portparol Policije
Halid Emkić